

## FAMILIA SANTUA: JESUS, MARIA ETA JOSE (A)

Jaia

### Otoitza

Jainko gure Aita,  
 Familia santua eman diguzu jarraibide eder;  
 egizu, gure familietan ere  
 famili bizitza zintzoan eta elkarren maitasunean hari jarraituz,  
 betiereko zoriona izan dezagula zeruetako etxean.  
 Zure Seme Jesu Kristo.

### A B C urteetan

I. IRAKURGAIA: Si 3, 3-7. 14-17a

*Jaunaren beldur denak  
 goresten ditu bere gurasoak.*

Siraken liburutik

Goresgarriago egiten du Jaunak aita,  
 seme-alabak baino;  
 eta amari eskubidea ematen dio  
 bere umeen gainean.  
 Aita goresten duenak  
 bere bekatuak ordaintzen ditu;  
 eta ama goresten duenak  
 ondasunak pilatzen.  
 Aita goresten duenak  
 poz izango du bere seme-alabetan;  
 eta otoitz egunean entzun egingo zaio.  
 Aita goresten duena luzaro biziko da;  
 eta Jaunak entzuten dio,  
 amari atsegin ematen dionari.  
 Ene seme, iraun zeure aita goratzen,  
 eta ez utzi bizi daino.  
 Burua galtzen badu ere,  
 izan zakizkio bihotz haundiko  
 eta ez gutxietsi bizi zareino;  
 aitari emandako laguntza ez da ahaztuko,  
 bekaturen ordain izango duzu;  
 zoritxar egunean,  
 gogoan hartuko dizu Jaunak.

ERANTZUN SALMOA: Sal 127, 1-2. 3. 4-5

**R/. Dohatsu, Jaunaren beldur dena,  
 Haren bideetan dabilena!**

Dohatsu, Jaunaren beldur dena,  
Haren bideetan dabilena!  
Zure eskuen lana baituzu jango,  
zoriontsu izango zara eta ongi zaizu joango. R/.

Zure emaztea, mahasti emankorraren antzean,  
zure etxe barnean;  
zure seme-alabak badirudite olio kimuak,  
zure mahai inguruan. R/.

Begira, hala izango da bedeinkatua gizakia,  
Jaunari beldur diona.  
Jaunak Siondik bedeinka zaitzala,  
Jerusalen dohatsu ikusiz beti bizi zaitezela. R/.

II. IRAKURGAIA: Kol 3, 12-21

*Familiako bizitza, Jaunarengan bizia.*

San Paulo Apostoluak Kolosarrei

Senideok: Jantzi zaitezte bihotz errukitsuz, onberatasunez, apaltasunez, egokitasunez, eraman onez, Jaungoikoaren herri aukeratu, santu eta maitea zaretenez gero. Eramazue ondo elkar eta barkatu batak besteari, inork inorentzat ezer baleuka. Jaunak barkatu dizuen bezala, barka zuek ere.

Guzti horien gainetik, ordea, izan ezazue maitasun; hori baita lokarririk bikainena. Kristoren bakeak agindu beza zuen bihotzetan, bake horretara deituak zaretenez gero gorputz batean; eta izan esker onekoak. Oparo bizi bedi zuengan Kristoren hitza: jakinduriarik osoenean elkar argituz eta berotuz; salmoak, goratarreak, eta goi arnasezko abestiak Jaungoikoari bihotzez eta eskerronez kantari. Edozer esaten edota egiten duzuela, egizue dena Jesu Kristo Jaunaren izenean, Beraren bidez Jaungoiko Aitari eskerrak eman.

Emazteok, zaudete zeuen senarren menpean, Jaunarengan egoki den bezala. Senarrok, maita itzazue zeuen emazteak, eta ez izan gogorrek haiekin. Seme-alabok, egin zeuen gurasoen esana gauza guztietan, hori nahi du eta Jaunak. Gurasuok, ez sumindu zeuen seme-alabak, gogoia gal ez dezaten.

EBANJELIOA: Mt 2, 13-15. 19-23

**Aleluia:** Kol 3, 15a. 16a

R/. Aleluia.

V/. Kristoren bakeak agindu beza zuen bihotzetan;  
oparo bizi bedi zuengan Kristoren hitza. R/.

*Hartu haurra eta ama, eta zoaz ihes Ejiptora.*

Jesu Kristoren Ebanjelioa San Mateoren liburutik

Magoek aldegitan, Jaunaren aingerua agertu zitzaion Joseri, esanez: «Jaiki zaitez: hartu haurra eta ama, eta zoaz ihes Ejiptora; eta egon han, nik esan arte; Herodes, h:

eta».

Jaiki zen, beraz, Jose, hartu zituen haurra eta ama gauez, eta Ejiptora joan zen eta han egon, Herodes hil zen arte; horrela bete zen profetaren ahoz Jaunak esandakoa: «Ejiptotik dei egin nion neure semeari».

Herodes hil zenean, Jaunaren aingerua agertu zitzaion ametsetan Joseri Ejipton, esanez: «Jaiki zaitetz, hartu haurra eta ama, eta zoaz Israelgo lurraldera, hilak dira eta haurrari bizia kendu nahirik zebiltzanak». Jaiki zen, beraz, Jose, hartu zituen haurra eta ama, eta Israelgo lurraldera itzuli zen.

Baina, Herodesen ondoren, Judean haren seme Arkelao zegoela errege jakinik, beldur izan zen hara joateko. Eta ametsetan albiste harturik, Galileara jo zuen. Hara iritsi zenean, Nazaret deritzan herrian gelditu zen bizitzen, profetek esan zutena bete zedin: «Nazaretarra deituko diote.»

## **Oparigaien gainekoa**

Bakezko opari hau eskaintzean, Jauna,  
 apal-apal eskatzen dizugu:  
 Jainkoaren Ama Maria Birjinaren  
 eta Jose dohatsuaren otoitzez,  
 gure familiak zure adiskidetasunean eta bakean  
 sendo ezar ditzazula.  
 Jesu Kristo.

Prefazioa: Eguberrialdikoa

## **Jaunartze ondorengoa**

Aita guztiz ona,  
 sakramentu honen bidez indarberritu gaituzunok  
 Familia santuaren antzera bizi gaitezela,  
 lur honetako estualdien ondoren  
 Berarekin batean betiko zoriona irits dezagun.  
 Jesu Kristo.